



partii naleraq

UKA 2016/078-01

03-10-2016

Inatsisartunut aalajangiiffigisassatut siunnersuutigineqarpoq Naalackersuisut peqquneqassasut Inatsisartut peqqussutaata nr. 12, 19. November 2007-imeersup Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu, aalajangersakkat allanngortinneqassasut ilaqtariit ataatsit illui tuniniaanermi akitinneqartut kisiisa atorlugit tiguneqarsinnaalersillugit.

(Inatsisartunut ilaasortaq Steen Lyngé, Atassut)

Inatsisartunut ilaasortaq Steen Lyngé-p Atassummeersut siunnersuutaa Partii Naleraq sinnerlugu imannak oqaaseqarfigissuarput:

Siunnersuut piviusunngortinneqassappat, illoqarfinnut mikinerusunut, minnerunngitsumillu nunaqarfinnut ullumikkut illutaarnissamut namminerisamilluunniit initaarnissamut bank-iniit mattussaareersunut iluaqusiisinnaanngitsoq takusinnaavarput.

Aamma inissiami illumiluunniit najungaqaareersut innimigineqarnissaat arlaatigulluunniit innarlerneqannginnissaat pingaartipparput, taamaattumik siunnersuut tapersinngilarput.

Tassami aamma Naalackersuisut akissuteqarnerminni paasinninnerat naapertorlugu ilaatigut illuni ilaqtariinnut ataatsinut inissiani attartortut inissianik najukkaminnik pisinissamut qinnuteqarsinnaajunnaassasut aamma oqaatigineqarmat.

Eqqaamasariaqarparpummi aamma innuttaasut 70 %-it missaaniittut aningaasarsiakinnerpaajupput akunnattumilluunniit annertussusilinnik isertitaqartartuullutik.

Aamma naluneqanngitsutut inupparujussuit ilaqtariippassuillu inigisaminniit anisitaanikuupput.

Taamaattumik inuit pissakinnerusut akunnattumillu isertitallit namminerisaminnik illutaarsinnaanerat initaarsinnaanerallu pitsaannerusunik periarfissinneqarnissaat Partii Naleqqamiit assut pingaartipparput.

Taamaammat aamma siusinnerusukkulli eqqaasareerparput, inuit ilaqutariillu ukiorparujussuarni inissiami aaliangersimasumi najungaqartut, ukiunilu taakkunani akilersuiuarsimasut, qularnanngitsumillu inissiap akia sinnerlugu akilersuereersimasut, taakku immikkut ittumik oqilisaassiffigineqarnissaat eqqarsaatigineqartariaqartoq isumaqarpugut. Minnerunngitsumillu taakku tunulliunneqarlutik pineqarnissaat akuersaanngilluinnaratsigu.

Taamaattumik Partii Naleraq sinnerlugu inatsisartut upernaq manna ataatsimiinnitsinni siunnersuuterput, tassalu ilaqutariit pissakinnerusut akunnattumillu isertitaqartartut namminerisaminnik illutaarsinnaanerannut initaarsinnaanerannullu tunngasoq, inatsisartunit amerlanerussuteqartunit taparserneqartoq pillugu Naalakkesuisut nassuiaateqarnissaat qilanaarluta utaqqivarput.

Taama naatsumik oqaaseqarluta uuma siunnersuutit itingartitsissutigineqarnissaa inassutingaarput.

Anthon Frederiksen